

culi phyllis paucis linearibus brevibus involucri demum carinatis dorso valde setuloso-echinatis, acheniis incurvis glabris striatis transverseque rugosis compressis basi subangustatis radii superne attenuatis cupulâ fimbriatâ persistente superatis, disci in rostrum eis dimidio brevius sensim attenuatis, pappi caduci setis internis 10 plumosis basi dilatatis ⊙.

Hab. in cacumine montis Gebel Antar supra Mezze ad occasum Damasci (Gaill! exs. 2025!). Fl. Maio ineunte.

Folia radicalia 8-10 lineas, scapi 2-3 pollices longi, capitula eis *P. Kotschy* dimidio minora, ab ea et aliis præcedentibus pappi plumis basi paleaceo-dilatatis diversa et transitum ad *Hagioseridem* præbens, sed ob pappum setis externis biserialem et phylla involucri non decidua *Picridi* adnumeranda.

18. **P. Blancheana**, annua, pilis brevibus glochidiatis aspera, caulis ascendentibus vel erectis parce furcatis oligocephalis, foliis inferioribus , caulinis lanceolato-linearibus integris, pedunculis fructiferis non incrassatis, capitulis parvis, calyculi et involucri phyllis setoso-strigosis illis brevibus anguste linearibus patulis, acheniis tenuibus curvatis radii adpresso hirtis lœvibus superne attenuatis cupulâ fimbriatâ persistente superatis, disci transverse rugulosis in rostrum achenio subbrevis attenuatis, pappi caduci setis internis 12-15 plumosis basi dilatatis ⊙.

Hab. in monte Gebel Abiad deserti Syriaci ad Palmyram (Bl. 3460!). Fl. Mai.

Affinis *P. Damascenæ* differt acheniis radii hirtis, disci longius rostratis pappo pluriseto.

HAGIOSERIS (Boiss. Diagn. Ser. I, 11, p. 35).

Capitulum multiflorum. Involucrum biseriale phyllis interioribus fructiferis inferne induratis convoluto-cymbiformibus superne acuminate teneris tandem deciduis. Receptaculum nudum. Achenia radii incurva coronâ cupulæformi superata, disci rectiuscula pappo uniseriali quinque paleis basi dilatatis superne plumosis in annulum non coalitis subpersistentibus constanti coronata. — Herbæ annuæ facie *Picridis* a quâ phyllis a receptaculo solutis pappique paleis uniserialibus differt.

1. **H. Galilæa** (Boiss. Diagn. Ser. I, 11, p. 36) annua, setis basi incrassatis sparsis asperula, caule erecto albido a basi dichotome ramoso laxe corymboso, foliis oblongis repando-denticulatis infimis basi attenuatis caulinis late et obtuse auriculato-amplexicaulibus, pedunculis longis demum subincrassatis, capitulis mediocribus, calyculi phyllis subulatis setosis duplo brevioribus involucri demum carinatis crebre glochidiato-setosis, acheniis radii cylindricis lœviusculis glabris hamato-recurvis cupulâ fimbriatâ superatis, disci rectiusculis tenuibus apice subattenuatis, pappi squamis basi latissimis ⊙.